

Sarajevo, 27.04.2022.godine

Parlament Federacije BiH
Predstavnički dom
Zastupnik Irfan Čengić

Parlamenta Federacije BiH
Dom naroda
Delegat Jasminko Kapić

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 27-04-2022			
Org. jed.	Broj	Priloga	Vrijednost
01	-02-	896	122

02

ZA:
BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
PREDSTAVNIČKI DOM
n/r Predsjedavajućeg PD Parlamenta FBiH
DOM NARODA
n/r Predsjedavajućeg DN Parlamenta FBiH

U skladu sa članom **172. Poslovnika** o radu Predstavničkog doma Parlamenta Federacije Bosne i Hercegovine

I
Članom **164. Poslovnika** o radu Doma naroda Parlamenta Federacije Bosne i Hercegovine,

u **skraćenu** parlamentarnoj proceduri podnosimo:

PRIJEDLOG ZAKONA
O IZMJENAMA ZAKONA O OSNOVAMA SOCIJALNE ZAŠTITE, ZAŠTITE
CIVILNIH ŽRTAVA RATA I ZAŠTITE PORODICE SA DJECOM FBiH


Molim vas da tekst Prijedloga zakona uputite Vladi Federacije BiH radi dostavljanja mišljenja u poslovničkom roku od 30 dana.

Razlog za skraćenu proceduru jeste taj što se ne radi o obimnom i kompleksnom zakonu zbog čega nije potrebna redovna procedura i javna rasprava.


U prilogu Vam dostavljam tekst Prijedloga zakona na sva tri službena jezika.

S poštovanjem,

Irfan Čengić, zastupnik



Jasminko Kapić, delegat



BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
PREDSTAVNIČKI DOM
ZASTUPNIK IRFAN ČENGIĆ
DOM NARODA
DELEGAT JASMINKO KAPIĆ

(PRIJEDLOG)

ZAKON
O IZMJENAMA ZAKONA O OSNOVAMA SOCIJALNE ZAŠTITE, ZAŠTITE
CIVILNIH ŽRTAVA RATA I ZAŠTITE PORODICE SA DJECOM FBiH

Sarajevo, april 2022.godine

ZAKON
O IZMJENAMA ZAKONA O OSNOVAMA SOCIJALNE ZAŠTITE, ZAŠTITE
CIVILNIH ŽRTAVA RATA I ZAŠTITE PORODICE SA DJECOM FBiH

Član 1.

U Zakonu o osnovama socijalne zaštite, zaštite civilnih žrtava rata i zaštite porodice sa djecom ("Službene novine FBiH", br. 36/1999, 54/2004, 39/2006, 14/2009, 7/2014 - rješenje US BiH, 45/2016, 19/2017 - drugi zakon i 40/2018), mijenja se član 18f. i sada glasi:

„Osnovica za obračun mjesečnih novčanih primanja iznosi 80% minimalne plate u Federaciji Bosne i Hercegovine koja se utvrđuje u skladu sa zakonom.“

Član 2.

Zakon stupa na snagu osmog dana od dana objavljivanja u službenim novinama, a primjenjivati će se od 01.04.2023. godine.

OBRAZLOŽENJE

ZAKON

O IZMJENAMA ZAKONA O OSNOVAMA SOCIJALNE ZAŠTITE, ZAŠTITE CIVILNIH ŽRTAVA RATA I ZAŠTITE PORODICE SA DJECOM FBiH

I USTAVNI OSNOV

Ustavni osnov za donošenje ovog zakona sadržan je u dijelu Poglavlju III A. 5. 20. (1) d) kojim je propisano da je Parlament Federacije Bosne i Hercegovine nadležan za donošenje zakona o vršenju funkcija federalne vlasti.

II RAZLOZI ZA DONOŠENJE

Trenutni iznosi tuđe njege i pomoć, invalidnina i ortopedskog pomagala su u istom iznosu još od 2009.godine kada je definisano da je osnovica za izračun ovih prava **80% minimalne plate u Federaciji Bosne i Hercegovine.**

Kasnijim izmjenama zakona o osnovama socijalne zaštite civilnih žrtava rada i zaštite porodice sa djecom FBiH je umjesto 80% upisan tačan novčani nominalni iznos tog procenta u iznosu od **274,00 KM,**

Međutim od navdene izmjene zakonodavstva je u Federaciji Bosne i Hercegovine u dva navrata je povećan iznos minimalne plate u Federaciji Bosne i Hercegovine, a ta dva povećanja nije pratila izmjena zakona i povećanje osnovice od 274,00 KM kako bi nominalni iznos bio ekvivalentan novom iznosu od 80% minimalne plate, čime je ova populacija prevarena.

Ovim zakonom se predviđa da osnovica za izračun iznosa bude propisana u procentualnom iznosu a ne nominalnom iznosu u KM, jer na taj način neće biti potrebno mijenjati zakone kako bi invalidnine i druga prava pratili troškove života, i rast minimalnih i prosječnih plata, kao i rast prihoda u budžetima.